

渾源州志卷十總目

藝文

下

拾遺

渾源州志

渾源州知州泰興桂敬順纂修

藝文 下

七言古體

遊龍山

金
元好問

曩予寓大梁得交此州雷與劉自聞兩公跨南山
每恨南海北海風馬牛老龍面目今日始一見更
信造物工雕鏤是時山雨晴平田綠澗油並山涼
氣多况得通深幽山前谷口出迎客石罅戛擊林

琅球蜿蜒入微行漸覺藤蘿罥衣樹打頭惡木拉
威棲直幹北指稠石門無風白日靜自是林響寒
颼颼一峯忽當眼仰看看不休一峯一峯千百峯
雖欲一一顧揖知無由金城偃蹇不得上瑤壻回
合如相留苔花萬錦石丹碧爛不收天關守虎豹
武庫開戈矛小山隨起隨偃仆獨立千仞絕頂縹
緲之飛樓百花岡頭藉草坐瀟灑正值金蓮秋亭
亭玆高臺玉斧何年修登高攬元化快如鷹脫鞲
山靈故爲作開闢巧與詩境供冥搜白雲何許來

纖絲弄輕柔蓬萊作露湧飄飄與烟浮玉衣僊人
鞭素蚪翕忽變化令人愁須臾視不合浩蕩不可
求初疑陶輪比運甕今悟夜壑真藏舟刳石拂未
窮杞國浪自憂斷鼇立極萬萬古爭遣起滅如浮
漚快哉萬里風一掃天四周誰言大始再開闢日
馭本自無待輟舉手謝山靈就無清涼毫相非神
羞賤子貪名幽客到已屢投黃華掛鏡臺天壇避
秦溝太山神明觀二室汗漫游胸中隱然復有此
大物便可揮斥八極隘九州玉峯有佳招絕唱須

一酬爲君探囊擲下珊瑚鉤白雲相望空悠悠異
時華表見老鶴姓字莫忘元丹丘

遊寶峯寺迴憩神谿訪鳳凰山古蹟

國朝
凌如崧

騎馬恒陰道野雪埋荒草下馬古剎前羣山四拱
抱老僧披衲喜相迎烹茶促膝話無生久坐不覺
塵世遠松風午磬檐間清聞道前村神谿更有泉
空明夜月鳳山顛昔人曾此結廬住琴書灑落臥
雲烟我來踏屐情無已空山寂寂環流水不見當

年垂釣人但餘殘碣荆榛裡憑高極望動予愁歸
鴉滿眼寒烟起

觀音上方雙松歌

桂敬順

一聲忽聽幽明鐘古寺久被烟霞封寺門森森雙
古松蟠虬結螭何玲瓏一如鸞鵠騫風欲高上一
如伯仲隨肩分少長俯視側立勢各奇灑灑落落
意尤廣巖巖恒岳開蒼屏滔滔怒水馳流星一動
一靜俱太古雙松高下延空青固節不受大夫辱
靈藥惟許神仙斲我來學做羲皇人却恐摩挲成

清江先生集卷一
村俗松舍無多各半分半間僧住半間雲瓦鍋瓦
竈燒茶好松果松毛帶雪薰金遼之際頗佞佛蓮
花座擁龍宮蔚豐碑剝落認重熙杪櫛片葉馮誰
乞約畧雙松五百秋清閒得免斧斤愁尚憐老鶴
歸來晚孤負笙簧在上頭歸雲門外堆如絮斜陽
牧笛吹何處聞說寶峯柏並奇明朝騎馬重看去
五言今體

別家後次飛狐西卽事

唐馬戴

遠歸從此別親愛失天涯去國頻迴首方秋不在

家鳴蜩聞塞路
令雁背龍沙
西次桑乾曲
洲中見
荻花

過鎗鋒嶺

明
黎民表

沙泥圻兩岸
細路轉堪憎
去馬衝風色
征衣掛石稜
疲兵時偃臥
古堠更陵乘
賴有銷愁地
雲中岳色增

感興

嵩
波

輶車出塞北
小郡鎮重關
帶繞灣灣水
屏開面面山
三春朝未暖
六月夜還寒
却喜民風朴
翻輸仕

海州志
卷一
四
隱官

七夕
時督兵守關

蒲澤

山城逢七夕邊徼入三秋銀漢雙星度金天大火
流露涼滋暗壁月迥映高樓獨借關門吏干戈滿
目愁

雨霽登恒山回署中

蕭重望

睡起雨初霽登臨興轉豪祇緣太宇定未見恒山
高雲淨任飛鳥春回自潤毛捲簾無箇事從此識

天弢

過渾源州望恒岳

周宏禴

元岳表雲中遊僊帝子宮紫芝橫日照白虎吸天
風遠鎮皇圖固連峯霸氣雄省方今日望重關啟
洪濛

望岳用周二魯符卿韻

無名氏

壁立萬山中何年闢上宮乾坤鍾秀氣今古仰皇
風露下青雲濕天高白日雄側身遙望處宿霧正
濛濛

渾源道中夜行感賦一律

楊述程

欲知行路遠漏盡月華開赤磧邊城古白溟蒼岫
堆棲遲尋鳥道突兀傍恒隈何日烟塵寂斗筭愧
吏才

許村古寺阻雨

楊述程

曉行山下路風雨忽瀟疎幸有空王寺堪留勝客
車水侵苔徑滑雲去草堂虛入定僧無語禪機似
告予

重過凌雲口

國朝

桂敬順

瀑雪年來夢巖花此日探石蹲駭伏虎桑綠想懷

蠶霖雨三農足清泉一掬甘前峯思小憇記取舊
蒲庵

次韻

凌如崧

見說林泉好輸君屐屢探風前閒趙鶴氣候熟吳
蠶石磴飛花馥雲腴活水甘何當蓬梗跡選勝結
茅庵

次韻

劉炯

峽口飛花馥桃源許再探高蹤還伴鹿綺思細抽
蠶嵐隱千巖翠茶烹七椀甘遙知揮灑意訪舊叩

僧庵

次韻

朱大章

地接仙源勝類來細討探鷺鳴諧郢曲花落憶吳
蠶怪石如雲臥清泉熨齒甘慳緣應笑我夢不到
禪庵

次韻

彭述

夾峪浮青霽乘閒許共探高才如吐鳳妙緒薄縑
蠶嵐欲侵衣濕泉宜瀹茗甘薰風噓拂處小憩到

雲庵

圯垞峪卽景同桂刺史作

顧學潮

不辨東西路行行又一村
黍頭低雨氣山意澹秋
痕曹子千金帚莊生五石樽
浮雲看世事好共月黃昏

次顧明府韻

桂敬順

繞澗諸峯合空明見遠村
風寒秋樹影日澹午烟
痕薄宦仍如客權逢且倒樽
皇華歌晚晚漠漠塞雲昏

登渾源城樓

凌如崧

要地垂天險專城闢一區雲烟橫倒馬風雨暗飛
狐野賽焚芻狗邊聲靜夜烏高樓開大漠霜下亂
林枯

登渾源城樓

朱大章

何處寫離愁孤城獨上樓堞明千嶺雪檐壓九邊
秋代馬奔騰健關雲日夜浮從來戎馬地渾水自
西流

月夜永安寺門望恒山積雪 凌如崧

不辨尋仙路瑤峯入夜看蟾光與雪色併作一城

寒鐸語傳風切鐘聲促漏殘故人同遠客貧賤亦
多歡

官署暇日同松山西堂話江南黃葉各賦二
首

桂敬順

昔乘江浦月黃葉幾家村今日天涯夢青衫灑淚
痕板橋稀客過禪榻有詩存一掃紛飛去臨風酌
酒尊

繞寺飛黃蝶寒潭比鏡澄遙憐三五樹霜氣恐難
勝招隱遺芳躅雲房臥老僧何堪久于役白髮已

頻增

和

凌如崧

久結關山恨逢秋一斷魂清霜愁塞草黃葉夢江
村幾載孤吟興今宵話酒尊辛勤南去鴈點綴夕
陽痕

記得江干上尋幽我亦曾可堪霜葉裡寂寞臥山
僧一灑西風淚難禁半壁燈憑誰遙寄語拋別莫
生憎

和

朱大章